

元明史記卷三

史記卷三

元代史書 三卷

元
代
史料
叢刊
初編

黃山書社

欽定四庫全書

元史續編卷十

明 胡粹中 撰

戊辰 致和元年

九月壬申文宗皇帝改天歷元年泰定皇太子即位上都亦改天順元年春正

月脩京城○二月庚申詔改元

詔天下改泰定五年為致和元年免河南自實

田糧一年被災州郡稅糧一年流民復業者差稅三年疑獄繫三歲不決者咸決之

壬戌太白晝

見○壬申雨霾○己卯上受佛戒於京師○戊子車駕

幸上都

先是將幸柳林御史王獻等以歲飢諫上曰其禁衛士毋擾民家命御史二人巡察之

欽定四庫全書

元史續編

徙懷王圖卜特穆爾居江陵○勅蒙古色目人親喪不得

丁憂

有犯者除名從達實特穆爾道拉實之請也

陝西河南四川郡縣饑○

夏五月廣西妖僧陳慶安作亂尋討平之○庚辰有流

星大如缶○秋七月辛酉朔寧夏地震○庚午帝崩於

上都

壽三十六帝雖裕宗長孫以自立故文宗登極不為立廟諡世止稱為泰定帝○評曰泰定在位五

年大水旱蝗無歲無之而又天變于上則太白經天白虹貫日雨土風雹地變于下則山崩海溢地震河決曾弗之恤而日事宴樂新作棕殿造玉御牀製金寶蓋以貯舍利屢興工功營建塔寺以祈福福何自而至哉於是飢饉連年而募民納粟盜賊並起而立格招捕民瘼日滋而分道遣使宣撫宋本言事不報張珪上疏不從

所謂本之則無如之何者也享年不
永固其所宜然國勢衰削亦自此矣
己卯大寧地震○

丙戌太白犯軒轅大星○八月甲午同僉樞密院事雅

克特穆爾等舉兵京師執中書平章額卜德呼勒等下獄遣

使迎懷王圖卜特穆爾於江陵

初帝自晉王入居大統道
拉實柄國狡復自用災異

數見而周懷二王播遷南北人心思之是年春帝畋柳
林以疾還宮諸王們都阿穆爾台等與雅克特穆爾謀即
上有不諱諸扈從者執諸王大臣殺之居京師者即縛
省臺官宣言太子正位傳檄守禦諸關及幸上都們都
等從雅克特穆爾與安西王喇特納實哩等居守時額森
霸私至上都與道拉實謀不利于懷王帝崩道拉實與
梁王旺沁遼王托克托結黨害政人皆不平於是雅克特穆
爾與安西王陰結勇士八月甲午黎明百官集興聖宮

欽定四庫全書

元史續編

雅克特穆爾率額哩音特穆爾博囉等十七人皆露刃號於衆曰武皇有聖子二人正統皆歸之有不順者斬乃手縛平章額卜德呼勒巴廷徹爾分執左丞多岱參政王士熙參議托克托吳秉道侍御史特默格丘世傑治書托歡詹事丞王桓等皆下獄即遣前河南參政明埒棟阿等馳驛迎懷王於江陵仍密諭河南平章巴廷令備兵迎護雅克特穆爾與安西王共守內廷又與右丞趙世延翰林承旨伊拉齊通政使哈沙等分典機務調兵守居庸關及蘆兒嶺徵諸衛兵屯京師及白馬甸太和嶺遷民鎮下郡縣造兵器出金帛犒軍士雅克特穆爾直宿禁中達旦不寐一夕或再徙人莫知其處雅克特穆爾綽和爾之子托克托呼孫巴廷青哈之孫謹濟爾之子也 雅

克特穆爾以拜布哈為中書左丞相達實哈雅為平章

蘇蘇為左丞王布琳吉達為樞密副使

雅克特穆爾又遣薩里布哈迎懷王且

令達實特穆爾詐為懷王使者揚言已次近郊又令奈曼偽自北來稱周王亦整兵南行聞者皆悅又徵宣靖

王邁努諸王雅

克布哈于山東雅克特穆爾遣使召西臺侍御史瑪扎

爾台陝西平章特默齊皆不至

惟雅克特穆爾之子騰吉斯與其叔父薩敦自上都逃來

遂命二人守

居庸等關

雅克特穆爾自為知樞密院事以特默齊為御

史中丞○上都道拉實殺諸王們都等

諸王們都阿穆爾台庫庫楚平

章瑪魯集賢學士烏魯斯布哈太常禮儀院使噶海齊等十八人同謀援大都事道拉實殺之

陝西

大旱

人相食

雅克特穆爾遣御史喇嘛凱巴等招諭陝西皆

見殺○河南行省殺其平章哥魯右丞拜特穆爾參政

欽定四庫全書

元史續編

圖卜台○甲辰懷王發江陵庚戌次汴梁

明埒棟阿至懷王遂發江

陵召鎮南王特穆爾布哈威順王庫春布哈湖廣平章特穆爾布哈來會執右丞瑪哈穆特送京師以博索代之命河南省造銀符以給有功者又命出府庫金千兩銀四千兩鈔七萬一千定頒賜將士有司造乘輿供帳遂陞平章巴延為左丞相遣兵守潼關時伊埒特穆爾家居汴梁巴延矯制起為本省參政辭曰皇子北還若問參政受命何人則將無詞以對巴延怒而明埒棟阿嘗為伊埒特穆爾所劾因說巴延收之丞相拜布哈亦與之有隙乃編阿克蘇衛指揮使托克托穆爾自上都來歸置于海南

命守古

北口上都遣兵分道南侵托克托穆爾與戰敗之斬其

將哥徹擒奈曼岱

上都諸王及用事臣議分道南侵留遼王托克托太師多岱左丞相道拉實知樞

密院特穆爾圖居守命諸王實喇平章奈曼岱詹事奇徹來戰托克托穆爾禦之斬奇徹擒奈曼岱實喇敗走

丁巳懷王圖卜特穆爾入京師

丙辰雅克特穆爾備法駕郊迎丁巳王入居大內遣蘇

蘇宣諭中外凡金穀銓選刑訟興造悉由中書諸司及近侍敢有隔越奏請者以違制論從監察御史糾訪又

賜上都來歸將士

官吏鈔物有差

以蘇蘇為中書平章曹立為右丞張

友諒為參政巴延為御史大夫趙世延為中丞特穆爾

布哈知樞密院伊蘇岱爾同知院事額森鼎為宣徽院

使○上都兵入遷民鎮管州

上都諸王額森特穆爾平章圖們岱爾自遼東以兵

入遷民鎮巴特瑪等以所部兵入管州殺掠吏民

造兵器括馬

造兵器十萬事江浙江西湖廣

欽定四庫全書

元史續編

六萬內都四萬遣使分行畿

內河南等路拘括民間馬匹

賜鎮南王等金帛

鎮南王特穆爾

布哈威順王庫春布哈宣靖王邁努

各賜金五十兩銀五百兩幣三十匹

以明埒棟阿庫庫

岱並為中書平章○九月上都兵攻碑樓口進逼崞州

雅克特穆爾督兵禦之○殺中書平章額卜德呼勒特默格

流左丞多岱參政王士熙等於遠州○上都皇太子即

位

改元
天順

壬申懷王雅克特穆爾即皇帝位於京師大赦天

下

九月丁卯雅克特穆爾率諸王大臣請懷王早正大位
王辭曰大兄在朔方朕安敢紊天序圖卜特穆爾曰人心向背機不客髮一或失之噬臍無及王曰必不得已
必明示天下壬申王即位於大明殿詔曰昔世祖之後

成武仁英以公天下之心相傳咸遵祖訓至於晉邸具有盟書願守藩服而與賊臣特克實等同謀冒干寶位於今六年災異迭見權臣道拉實自用疎遠勲舊廢棄忠良變祖宗法度大行賔天利於立幼專握國柄用成其奸宗王大臣以宗社之重統緒屬於朕躬朕以菲德宜俟大兄固讓再三咸謂天下不可一日無主周王遼隔朔漠民庶皇皇誠懇迫切朕姑從所請謹俟大兄之至以遂初心已於致和元年九月十三日即皇帝位改今年為天歷元年大赦天下○評曰夫有天命而得天下者謂之天子天命不在不容以強為天命所在不得而苟避昔者舜避堯之子禹避舜之子皆終陟帝位者天命所在故也項羽滅秦王莽篡漢而終至覆滅者天命不在故也豈有今日姑居其位明日將辭其位如奕棋之不定者哉元之文宗既從雅克特穆爾諸臣推戴即位而改元矣下詔天下乃曰姑從所請謹俟大兄之至以遂固讓之初心夫既踐天子之位矣則他日無降為人

欽定四庫全書

元史續編

臣之禮既改元天歷矣則後日無削去紀年之理即位
改元天下之大事烏可輕哉且和實拉在當時雖武宗
之世嫡在先朝則文宗之罪人彼其逃君父之命負背
叛之誅竄身漠北正以春秋之法其不可以君天下亦
明矣文宗既不明此義姑以推讓為辭又不誠此心終
以戕殺獲罪豈非所謂為人君父而不通於春秋之義
必蒙首惡

封雅克特穆爾為太平王遣將兵擊遼東軍

以太

平路為食邑賜金五百兩銀二千
五百兩鈔萬定平江官地五百頃

以雅克特穆爾為中書

右丞相知樞密院加巴延太尉○曹立罷以伊實通幹

為中書右丞張思明為左丞多爾濟為江浙左丞相阿

爾斯蘭為南臺大夫○乙亥上都兵襲破居庸關雅克

特穆爾還軍次榆河

旺沁兵襲破居庸關將士皆潰丙子游兵至大口雅克特穆爾還軍

次榆河帝出齊化門視師丁丑雅克特穆爾來見曰乘與一出人心必驚軍旅之事臣請以身任之上于是即日還

雅克特穆爾等與上都兵戰擊走之

雅克特穆爾與上都兵戰于白

浮之野手刃七人于陣敗其兵托克托穆爾與遼東軍戰薊州之檀子山會大霧旺沁等遁獲其頒詔及徵兵遼東

使者悉

誅之以拜布哈圖勒噶特穆爾雅克布琳並知樞密院

拜布哈尋

加太保上都兵入古北口雅克特穆爾出戰敗其兵擒

駙馬博囉特穆爾等斬之

旺沁收敗卒復來戰列陣白浮之西至夜薩敦托克托穆爾前後

夾攻敗走之追及昌平斬數千級降萬餘人旺沁單騎亡去薩敦追之弗及而還既而又分兵入古北口掠石

欽定四庫全書

元史續編

槽雅克特穆爾遣兵倍道而前掩擊之大兵既至轉戰四十餘里至牛頭山擒駙馬博囉特穆爾平章蒙古達實特穆爾院使蘇爾達琿悉斬以徇降者萬人餘皆奔竄復遣薩敦出古北口逐之托克托穆爾又與遼東軍戰於薊門南殺

京師戒嚴

初募京師丁壯千人守城又調河

獲無算

直沽調臨清運糧軍三千五百並御河分守山東丁壯萬人守諸處海港居庸關累石以為固代州鴈門關崞州陽武關嵐州天澗口皮庫口保德州塞底天橋白羊三關石州塢堡口汾州向陽關烏門關吉州馬頭秦上嶺二關靈石縣陰地關皆

上都兵入紫荆關進逼涿州

令穿塹壘石調丁壯守之
諸王呼喇台等兵入紫荆關將士皆潰行院官布延烏德美指揮使伊蘇岱爾將兵援之又遣托克托穆爾將兵四千往救援卒南走掠保定同知阿里舒及故平章張珪子景武等率民持梃擊死數百人會額森霸軍至殺

阿里舒及景武兄弟五人呼喇台游兵進逼南城乃令戶出壯丁持杖從軍士乘城諸門列瓮貯水以防火托克托穆爾章吉與額森鼎合擊敵兵於良鄉南轉戰至盧溝橋呼喇台被創遂遁去

召雲南左丞

相額爾吉納不至

評曰泰定在位五年當立皇太子天下人心已有所屬望矣今而崩逝神器有歸理無可疑者而京師構兵懷王入立事勢異常此額爾吉納所以不至也歟再召不至疑若有為者然乃進不能効力於泰定退不能保障於一方卒之為圖卜沁布哈等所逐其忠智舉不足稱矣

西臺大

夫額森特穆爾引兵入河中府河東官吏皆棄城走○

雅克特穆爾與陽翟王太平戰於棗林擊斬之○西臺執

詔使送上都

使者頒即位詔於甘肅行至陝西行臺官塗毀詔書械使者送上都以托克

欽定四庫全書

元史續編

托穆爾額布勒二人知樞密院伊拉齊為御史大夫○圖

們岱爾復入古北口北雅克特穆爾擊却之○齊王伊埒

特穆爾等圍上都道拉實等出降

齊王及元帥布哈特穆爾等圍上都道拉實等

奉皇帝寶出降梁王旺沁遁走

殺遼王托克托天順帝不載所終

冬十月丁未告祭南郊

時富珠哩翀以太常僉院充禮儀使詳記行禮節文於笏遇至尊不敢直書識以兩圈上偶取笏視曰此為皇

帝字乎因大笑以笏還翀

由是見重嘗呼子翬不名達實哈雅罷以竒徹台為中

書平章伊埒布哈為御史中丞○陝西兵至鞏縣據虎

牢守將潰走

儲仗悉為所獲又奪武關守將楊克忠等軍亦潰

罷內郡及行省